



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin

Straßburg, 1524

VD16 B 4346

Vorred auff die Epistel zû den Ebreern.

urn:nbn:de:hbz:466:1-34848

Worred auff die Epistel
zū den Ebreern.



Itz her haben wir die rechtē gewis-
sen hauptbücher des newen testaments gehabt / Dese vier
nachuolgende aber / haben vorzeiten einander ansehen ge-
habt / Vnd auffss erst / dz dise Epistel zū den Ebreern nicht
sant Paulus noch einigs Apostel sey / beweiset sich dabey /
das / in andern Capitel stet also / Dese lere ist durch die / so es selbs vō dem
herē gehört habē / auff vns kommē vnd bliben / Damit wirts klar / dz er vō
den Apostelen redet als ein jünger / auff den solche lere von den Apostelen
kommen sey / vvilleicht lange hernach / Denn Sant Paulus Gala. j. mech-
tiglich bezeügt / Er hab sein Euangelion von keinem mensche noch durch
menschen / sonder von gott selber.

Ober das hat sie ein harten knottē / das sie am. vi. vnd. x. Capitel stracks
verneynet vnd versagt die büß den sündern nach der tauffe / vnd am. xij.
spricht / Esau hat büß gesucht / vnd doch nicht funden / Welchs wider alle
Euangeli vnd Epistel Sant Pauli ist / vnd wiewol man mag ein glos
drauff machen / so lauten doch die wort so klar / das ich nit weiß / obs g-
ig sey. Mich dunckt / es sey ein Epistel von vilen stucken zūsamē gesetzt / vnd
nicht einerley ordenlich handele.

Wie dem allem / so ifts ye ein aufgebunde gelerte Epistel / die vom prie-
sterthum Chusti meisterlich vnd grundtlich auf der geschüfft redet / dar
zū das alte testamēt fein vnd reichlich aufleget / das es offenbar ist / sie sey
eins trefflichen gelerten manns / der ein jünger der Apostel gewesen / vil vō
in gelernet vñ fast in d geschüfft geübt ist / Vnd ober wol nicht den grund
legt des glaubens wie er selbs zeügt Cap. vi. Welchs der Apostel ampt ist /
So bauwet er doch fein drauff / gold / silber / edel steine / Wie sant Paulus
j. Corinth. iij. sagt / Derhalben vnns nicht hindern soll ob vvilleicht etwas
holz / stro oder hew / mit vnder gemenget werde / sonder solche feine lere
mit allen eren auffnemen / On das man sie den Apostolischen Episteln mit
aller ding gleichen mag.

Wer sie aber geschriben hab / ist vnberüß / will auch wol vnberüß
bleiben noch ein weile / da ligt auch nichts an / Vns soll benüße an
der lere / die er so bestendiglich auf vnd in der geschüfft grün-
det / Vnd gleich / ein rechten feinen gryff vnd maß zeygt /
die geschüfft zū lesen vnd handelen.

Die Epistel